

საქართველო და გლეხთა სოციალურად მომზადების


ისტორიის მასალები


და

მოღრიუპილების გვარის წევრნი

*117679/101 გლეხთა
07.15*

აღწერილი და გამოცემული ზ. კიკინაძის მიერ.





საიდან წარმოიშობა ჩოდრიშვილების გვარი.

მოდრეულ დროის ისტორიული გადმოცემა მოგვითხრობს, თუ საიდან წარმოიშვა ჩოდრიშვილების გვარეულობა.

რამოდენიმე თაობიდანვე ისტორიული გადმოცემანი მოგვითხრობენ, რომ ჩოდრიშვილების გვარეულობა წინათ ყოფილან თეთრაშვილები, რომლებიც ტფილისის მაზრის სოფელ დიდმის მკვიდრ მცხოვრებელ გლეხებათ ითვლებოდნენ.

38349

გლენ თეთრაშვილებს ჰყოლიათ ბატონი, თავადი გურამიშვილები, რომელებიც თავიდგანვე ბატონყმურ უდელს უწევდენ მათ.

XV—XVI საუკუნის წინეთ, თუ უფრო შემდეგ თეთრაშვილების ოჯახი შესდგებოდა რვა სულისაგან:—ხუთი ძმა, ერთი და და მოხუცი მშობლები; ამასთან ერთად კარგი სახლ-კარი და გაძრიელებული ოჯახი.

იმ დროს, დიდმის ირგვლი, მთები დიდი და დაბურული ტყეებით ყოფილა მოცული. ამ ტყეში თეთრაშვილის ბატონები თურმე ხშირად ნადირობდნენ; ნადირობის გათავების შემდეგ კი, ბატონი თავისი მხლებლებით, თეთრაშვილების ოჯახს ეწეოდა, აქ კაი ნადიმს მიირთმევდა ხოლმე და საკმარისად ისვენებდა.

როგორც ვიცით, თეთრაშვილების ორ ძმას მუდამ ბატონის სამსახურში ამოსდიოდათ სული, ხოლო დანარჩენი სამი ძმა კი ოჯახს უვლიდნენ, ოჯახს საქმეებს განაგებდნენ, თუმცა ხშირად იმათაც უხდებოდათ ხოლმე ბატონის სამსახური.

ერ დღეს თავადი გურამიშვილი თავის მხლებლებით ტყეში სანადიროთ წასულა და, როცა ნადირობას მორჩენილა, ჩვეულებრივ თეთრაშვილის ოჯახს წვევია. როცა სადილი მიურთმევია და ღვინით კარგათ შეზარხოშებულა, ბატონს უცბათ თავალი მოუკრავს თეთრაშვილის ლამაზ და მშვენიერ ქალიშვილისთვის, რომელსაც ძალიან მოსწონებია. ბატონს ქალის ძმა მოუხმია და უბრძანებია ქალის გაუპატიურებაზე, რომლის შემდეგაც ის, ქალი მასთან უნდა საბოლოოდ გადაეყვანათ სახლში მოსამსახურეთ. ქალის უფროს ძმას ეს სწყენია და ბატონისთვის პატიება უთხოვნია, მაგრამ ბატონი რის ბატონი იყო, რომ თავის ბრძანება არ შეესრულებინა და ყმისთვის დაეთმო! მას თავის ყმის თხოვნამუდარა იმდენად სწყენია, რომ ის განრისხებულა და თავის მხლებლებისთვის უბრძანებია ქალის ძალათ დამორჩილებაზე, ხოლო ურჩ თეთრაშვილების კი მთელი ქონების ჩამორთმევა და მათი შებოჭვა და გადაგზავნა თავის სასახლეში.

თავადის ასეთი თავხედობა ყმებმა ვეღარ აიტანეს და მათ შორის ატყდა ხელჩართული ბრძოლა, რომელსაც შედეგათ თეთრაშვილების ორი ძმის

სიკვდილი მოჰყვა, ხოლო მესამე ძმამ იმდენი სი-
ყოჩაღე გამოიჩინა, რომ თავის ორ მკვლარ ძმას ბა-
ტონიც ზედ დააკლა. ამის შემდეგ მან მხლებლებს
შეუტია და ორიც მათგანი დასჭრა, დანარჩენებმა
თავებს უშველეს და დილომის ტყეში დაიმაღლნენ.

მკითხველისათვის ახლა აშკარაა, თუ რას უზამ-
დენ ცოცხლად გადაარჩენილ საბრალო სოსიკო თე-
თრაშვილს და მის ოჯახს, მის დანარჩენ ძმებს, დას,
მშობლებს და მათ სარჩო-საბადებელს?!

სოსიკომ თავი ამოჰყო სპარსეთის საზღვარზე
ერთ სომხის სოფელში და იქ ერთ ჩავლადარს მო-
ჯამაგირეთ დაუდგა, რომელსაც სხვადასხვა ქალა-
ქებში ჯორებით და აქლემებით საქონელი გადა-
ჰქონდ-გადმოჰქონდა. აქ თეთრაშვილმა გვარი და
სახელიც გამოიცვალა. სოსიკომ სახელათ ოსკანა
დაირქვა, გვარად ჩოდრიანცი. ამის შემდეგ ის იქ
სომხის ქალს ირთავს ცოლად და იქვე სახლდება.
რამდენიმე წლის შემდეგ სოსიკომ (ახლა უკვე ოს-
კანამ) საიდუმლოება ცოლს გაუზიარა და თავის
ნამდვილი ვინაობაც შეატყობინა.

ამის შემდეგ დიდმა დრომ არ გაიარა რომ სო-
სიკო (ოსკანა) თავის ცოლეულ სოფელში გარდი-
ცვალა.

განვლო კარგა დრომ, რომ სოსიკო თეთრა-
შვილის ჩამომავალთა შვილის შვილებიდგან ერთი
შტო გადმოსახლებულა ტფილისში, ხელობით ხა-
რაზი. მას სახელათ პაპია რქმევია. მეორე, ამის ბი-

ძაშვილი, რომელსაც სახელათ მახარე რქმევია და ხელობით ქონი ყოფილა, ქალაქ სიღნაღში გადასახლებულა. ეს უკანასკნელი სიღნაღის განაპირა უბანში ერთ გლეხის ოჯახში ზედსიძეთ შესულა, რომლისთვისაც სიმამრს სიძისთვის სასახლკარო ადგილი მიუცია სწორედ იქ, სადაც ეხლა წმ. გიორგის სახელობის ეკლესიაა აშენებული. რამდენიმე ხნის შემდეგ, საბერძნეთიდან გადმოსულ ათონის ბერებს მახარესთვის ეს ადგილი ჩამოურთმევიათ და ქვემო უბანში, დაბახანების მახლობლად, დაუსახლებიათ.

საქართველოდან გადახვეწილ სოსიკო თეთრაშვილის ჩამომავლობას, როდესაც ისინი საქართველოში ჩამოსულან და დასახლებულან ჩოდრიშვილები უწოდებიან, რადგანაც რომ მათი პაპა ჩოდრობას ეწეოდა თურმე.

ასე და ამ გვარად, გამოირკვა, რომ ჩოდრიშვილები გვარის ჩამომავლობით თეთრაშვილები ყოფილან, რომლებიც უკუღმართ წესწყობილების და ძალადობის გამო, მათ დაჰკარგეს თავიანთი ნამდვილი სახე, და ოდესღაც თეთრაშვილებათ ცნობილნი, დღეს ჩოდრიშვილებათ იწოდებიან.

დღეს კი ჩოდრიშვილების რიცხვი იმდენად დიდია, რომ ისინი, როგორც ტფილისში, ისე კახეთშიც საკმარისად მოიპოებიან. სოციალური მდგომარეობით ისინი ყველა მუშა-ხელოსნები არიან.

სიმართლე უნდა ითქვას, რომ დღევანდელი

ჩოდრიშვილებიც, როგორც მათი წინაპრები იყვნენ ყოველივე უსამარლობის წინააღმდეგ მებრძოლნი, დღესაც ასეთივე ერთგული რევოლუციონერები არიან.

ერთ დროს იოსებ ჩოდრიშვილს (მიხას მამა) შამილის წინააღმდეგ (1850 წელს) ყოფილა გაწვეული გენერალ გრიგოლ ორბელიანის ჯარში, რომელსაც დადესტნის მთებში, ანწუხის რაიონში, გრიგოლ ორბელიანი მტრის ხელიდან სიკვდილს გადაურჩენია, რომლის გამო იოსებ ჩოდრიშვილი სისხლის ორდენით იყო დაჯილდოებული. ამავე დროს იოსებ ჩოდრიშვილს ერთი ოფიცერი, რომელიც უფრო ყველაზედ რეაქციონერი ყოფილა, მაგრამ გაულახავს. ეს საქმე იქამდის მისულა, რომ იოსებისთვის სიკვდილით დასჯა გადაუწყვიტათ, მაგრამ გენერალმა გრიგოლ ორბელიანმა იმდენი ეცადა, რომ სიკვდილით დასჯა ციმბირათ შეაცვლევინა და 7 წლით გადაასახლეს. ვადის გათავების შემდეგ კი იოსები ტფილისში დასახლდა. არც აქ გადაურჩა იოსები ძაშინდელ მთავრობას შეუნიშნავი და ერთ მშვენიერ დღეს, საგუბერნიო ციხეში მიაბრძანეს სამი თვით.

იოსებ ჩოდრიშვილი, ლუმპე პროლეტარი, დღიური მუშა, ვერ ურიგდებოდა უსამართლობას; მას საშინლად სძულდა მოძალადეები, ხარჩ-ვაჭრები მდიდარი, კულაკი, მოვახშე მყვლეფავები, რომელთანაც უხდებოდა ხშირად გამკლავება. ამაზედ კი

იოსებას თვალეში არა ჰკოცნიდნენ და მას მუდამ ეპატიჟებოდნენ პოლიციაში და ციხეებში.

ასეთ დაუნდობელ ბრძოლაში გაატარა იოსებმა თავის სიცოცხლე იქამდის, სანამ მას სილარბე დარევდა ხელს და სრულიად ჯანგატეხილი და ავადმყოფებელი უკანასკნელათ განუტიებდა სულს. მძიმე და ხანგრძლივი ავადმყოფობის შემდეგ ის გარდიცვალა სოფელ ბეჟანიანში, ყვარელის თემში, დღეს ახალ სოფლად წოდებული.

იოსებ ჩოდრიშვილის დაობლებულმა ცოლმა კი, მის სიკვდილის შემდეგ ქალაქ ტფილისს მოატანეს. ისინი ზოგი ხელობაზედ მივიდა, ზოგი მოჯამაგირეთ დადგა და ასე და ამგვარ ტანჯვა-ვაებაში ატარებდნენ თავიანთ ცხოვრებას. ისინი ხშირად ახდენდნენ გაუიცვას თავიანთ ხაზენების წინააღმდეგ, რომელზედაც სათანადოთ ისჯებოდნენ.

ამ ბრძოლამ კი ჩოდრიშვილების მთელი ოჯახობა გააკაჟა დიდიდან პატარამდის მოყოლებული. ჯერ კიდევ 1877 წლიდან გარევილიუციონერდა ეს ოჯახი. მათი სარევილიუციონერო ასპარეზი დაიწყო ნაროდნიკებიდან (სახალხო პარტია) და მესამე დასელებიდან. ამის შემდეგ სოციალ-დემოკრატიულ პარტიაში შედიან. პარტიის განხეთქილების შემდეგ კი, ე. ი 1903 წელს ისინი ემხრებიან ბოლშევიკ-კომუნისტებს, რომლებიც დღესაც მისი ერთგული მიმდევრები დარჩნენ და მტკიცეთა სდგანან კომუნისმის მთლიანობის განმტკიცება-გამაგოების ნიადაგზე.

ძველ ბოლშევიკ კაცების და ქალების პოლიტიკური მუშაობა 1877—1919 წ.წ. და ჩოდრიშვილების რევოლიუციონერობა.

1877 წ. ჩოდრიშვილები პირველად გაეცნენ რუსეთიდან ჩვენში გადმოსახლებულ რევოლიუციონერ ნაროდნიკულ პარტიის წევრებს. ესენი მუშათა რაიონებში და ქარხნებში აწყობდნენ წრეებს, როგორც მაგალითად, ტფილისში ფ. ზეიცრის ქარხანა, იარალოვისა, ადელხანოვისა, კოტრინისა, ონანოვისა, რუქსისა, არსენალისა, ილინის და მრავალი სხვა.

ამ სახელოსნო ქარხნებში აწყობდნენ წრეებს და საგაფიცვოთ ამზადებდნენ მუშებს. ამ მუშების ხელმძღვანელად გამოდიოდა უმფროსი ძმა მიხა ჩოდრიშვილი, სემენარიელების ერთი ჯგუფის დახმარებით. ერთ ხელმძღვანელ წრეს, სემინარისტების ჯგუფს, 1880 წელს მიხაც გაეცნა.

ჩოდრიშვილები ხშირად აწყობდნენ თავის საკუთარ ბინაზე 60—80 რიცხვისაგან შემდგარ მუშურ წრეებს, სადაც პოლიტიკურ მოძრაობის აღსნა-განმარტებას აძლევდნენ და თანამედროვე ლიტერატურას უკითხავდნენ.

ერთ დროს პეტერბურგში და მოსკოვში სტუდენტობის არეულება მოხდა. ამის შესახებ აქ რუსეთიდან დევნილ ნაროდნიკებთან ერთად, გეგტოგრაფზე ფურცლები დაბეჭდეს და გაავრცელეს. იქ

სიტყვის, თავისუფლების და პიროვნების ხელშეუხებლობას მოითხოვდნენ. ამ ფურცლების გავრცელება იკისრეს ძმებმა ჩოდრიშვილებმა, რომელთაც დიდის სიფრთხილით და თავგამოდებით მოჰფანტეს სახელოსნოებში, ეზოებში და ქუჩებში. ამაზედ არა ერთი და ორი სასტიკი სასჯელი მიუღიათ მათ მეფის მთავრობისგან, მაგრამ ჩოდრიშვილების ქედი ვერ მოუდრეკიათ და ისინი უფრო მეტის ხალისით და ენერგიით განაგრძობდნენ ბრძოლას თვითმპყრობელობის წინააღმდეგ.

ჩოდრიშვილები მეტად იყვნენ მოწადინებულნი და ცდილობდნენ, რომ მსოფლიო მუშათა მოძრაობის შესახებ ემოვნათ მასალები და ქართულ ენაზედ ებეჭდათ და მუშებში და გლეხებში ევრცელებინათ. ამავე დროს ისინი ხალხში დიდ საიდუმლო აგიტაციას ეწეოდნენ მუშათა კავშირების შექმნაზე, ამხანაგობებზე, არტელებზე და კოოპერატივებზე.

ძმათა ჩოდრიშვილების რევოლიუციონური გეგმები.

გეგმიანობის მიხედვით, ძმებმა ჩოდრიშვილებმა ურთიერთ შორის შემოიღეს რევოლიუციონური მუშაობის ერთგვარი წესი. მაგალით, 1. მიხა ჩოდრიშვილმა იკისრა წრის მოწყობა, კრებების მოწვევა და აგიტატორ-პროპაგანდისტების მოწვევა, თავის ბინაზედ.

2. ფურცლების საბეჭდავთ გაეკეთა ხის საბეჭდავი დაზგა, საიდუმლო შკაფები, ჩანთები, საწერი მაგიდები და სხვ.

3. საიდუმლო ლიტერატურის, იარაღის, ბეჭდების და სხვადასხვა ნივთების შესანახი ყუთების გაკეთება.

4. შოვნა სხვადასხვა საბუთების, პასპორტების, ბლანკების და სამამასახლისო ბეჭდების, არალეგალურ ამხანაგებზედ გასაცემად.

5. შეენახა ციმბირიდან და ციხეებიდან გამოპარული ამხანაგები და პარტიის ხარჯზე მიეცა მათთვის შესაფერისი ნივთიერი დახმარება. (თვით მიხვე იყო პარტიის მოლარე).

6. გადასახლებულებს პარტიის სახელით უგზავნოს ფული, არალეგალური ლიტერატურა და საჭირო ხარჯები წამოსვლისთვის და

7. აღმოსავლეთ-დასავლეთ საქართველოსთან სომხეთთან, ადერბაიჯანთან და ბორჩალოსთან კავშირის გაბმა, არალეგალურ ლიტერატურის გზავნით.

ამ საქმეში შეუნიშნავი არ უნდა დაგვრჩეს აგრეთვე მიხა ჩოდრიშვალის ცოლი, რომელიც მიხას დიდათ ხელს უწყობდა და ეხმარებოდა, როგორც ლიტერატურის გზავნაში აგრეთვე დანარჩენ საზოგადო საქმეებშიაც.

მიხას მეორე ძმამ კი, ზაქრო ჩოდრიშვილმა, იკისრა იაჩიეკების შექმნა შემდეგ ქარხნებში: მთავრკ. გ. სახელოსნოში, იარაღოვის სახელოსნოში, ადელხანოვის ფეხსაცმლის ქარხანაში და სხვაგან.

როგორ უწყობდენ ხელს ჩოდრიშვილებს დიასახლისები?

ესენი იყვნენ ჩოდრიშვილების დედა ანა და მიხას მეუღლე მელანია

ამ მანდილოსანის რევოლიუციონური მუშაობა ხასიათდება მათი აქტიური მონაწილეობით ამ საქმეში და ხელის შეწყობაში, როგორც არალევალურ ლიტერატურის გადატან-გადმოტანაში რაიონებში, აგრეთვე სტამბის ასოების და ყუმბარების მიტანა ადგილებზე და მათი შენახვა-პატრონობაში

მიხას მეუღლე მელანიას განსაკუთრებული დაგაღებანი და საქმიანობა.

1. ის იყო რევოლიუც. წითელ ჯვრის ხელმძღვანელი.

2. დაპატიმრებულ ამხანაგების და მათ ცოლ-შვილზე ზრუნვა.

3. ციხეში დაპატიმრებულ ამხანაგებს ნახულობდა და მიჰქონდა სანოვაგე, საცვლები და აძლევდა ამა თუ იმ ცნობებს და აგრეთვე გარეთ გა-

მოჰქონდა ციხის საიდუმლო ცნობები, რომელსაც ჩვენ ამხანაგებს აწვდიდა.

4. მელანია ახერხებდა ბურჟუაზიულ ოჯახებიდან ტუსაღებისთვის ათასგვარ დახმარებას ძილებას და უნაწილებდა როგორც პოლიტიკურ პატიმრებს, აგრეთვე მათ გაჭირვებულ ოჯახებს.

ნიკას, ვანოს და სანდრო ჩოდრიშვილების მოვალეობანი.

ყველა ამათ ჰქონდათ საიდუმლო სტამბის მოწყობის მინდობილება, რომელთაც მოაწყეს კიდევ ეს უდელის ქუჩაზე გარდა ამისა, ამათვე მოაწყეს ბელინსკის ქუჩაზე იარაღის, ყუმბარების და საიდუმლო ლიტერატურის საწყობი, მაგრამ მთავრობის აგენტების თვალსა და ყურს ვერ ასცდა ეს საწყობი და ერთ მშვენიერ დღეს ხელში ჩაუვარდათ. ამას მსხვერპლად დაედო თვით სახლის პატრონის, სულხანიშვილის, ოჯახიდან სამი სული და დანარჩენებსაც კატორღაში უკრეს თავი.

მიუხედავად ამისა, ამ სამმა ძმებმა ხელმეორედ მოაწყეს საიდუმლო სტამბა და იარაღის შესანახი საიდუმლო საწყობი პირველი ფინიკულიორის ძირში, ხოლო მეორე სამავოლნი ქუჩაზე.

ამათვე ეკუთვნით საიდუმლო სტამბების მოწყობა შემდეგ ადგილებში: ა) ჩულურეთში. ამ სტამბაში მუშაობა არ გაგრძელებულა, რადგანაც რომ

ჯაშუშებმა იქვი აიღეს; ბ) ავლაბარში. ეს სტამბა ყველაზედ კარგათ და გეგმიანათ იყო მოწყობილი ამ სტამბისვე საკუთრებას შეადგენდა შენობა, რომელიც ააშენეს სანდრო, ნიკა, ვანო და მირიან კალატოზებმა. სტამბა იყო ელექტრონით განათებული და შესავალი ჭიდან ჰქონდა ხვრელით.

ამავე დროს სანდრო ჩოდრიშვილმა გააკეთა ყველა საჭირო მასალა და მოწყობილება ნადიროვკას საიდუმლო სტამბის საჭიროებისთვის, რომელიც შემდეგ ზაქრო ჩოდრიშვილმა და არაქელ ოქუაშვილმა ამუშავეს, მაგრამ მალე ესენიც ჩავარდნენ. ზაქროსა და არაქელას რვა-რვა წელიწადი კატორღა მიუსაჯეს. ზაქრო კატორღაში გარდაიცვალა, ხოლო არაქელა გადარჩა ჯალათებს.

ეს ზაქრო მე პირველათ გავიცანი ტფილისის სახელოსნო სკოლაში. სწავლის დროს ზაქროს ამხანაგებმა მომმართეს: „ძია ზაქარია! ეს მოწათე გახლავთ ჩვენი სკოლის; იგი შენი სეხნაა და იმედია, რომ კარგ მეგობრობას გაუწევ და კარგ წიგნებს ათხოვებო“. ამ დღიდან ზაქრომ დაიწყო ჩემგნით წიგნების წაღება და სულ მოკლე ხანში გავცნო ქართულ მწერლობას. ზაქროს რუსულიც კარგათ ეხერხებოდა. ერთ დღეს ჩემთან მოვიდა და აკრძალული ლიტერატურაც მთხოვა. მე მას ვათხოვე გაზ. „კოლოკოლის“, „ვპერიოდის“ და „ნა-

როდნაია ვოლის“ ნომრები, „საფრანგეთის რევოლიუციის ისტორია“ და სხვა მრავალი ასეთი წიგნები.

ამაზედ ის სკოლიდანაც გამოორიცხეს.

სკოლიდან გამოორიცხვის შემდეგ ის უკვე აქტიურად ებმევა მუშათა მოძრაობაში და ის ისე კარგათ მოემზადა რომ მან რუსულიდან ქართულად სთარგმნა რობესპიერი, მარტი, დანტონი და სხვ. მაგრამ ამ თარგმნებს ჩვენამდის არ მოუღწევნია, რადგან მას თან ქონდა კატორღაში და რა ბედით იქ იქნებოდა, ეს ჩვენ არ ვიცით.

ვანო ჩოდრიშვილი ხელთბით სტალიარი იყო. მას ჩემგნით წიგნები მაჰქონდა სოფლათ და ჰყიდა და მოცლის დროს. ამავე დროს ის ხალხში ამას სააგიტაციოთ იყენებდა და წიგნების დატარების დროს ის თან აგიტაციასაც ეწეოდა ხალხში.

1881 წ. მარტის პირველს პეტროგრადში რუსეთის რევოლიუციონურ პარტიის წევრებმა მოკლეს იმპერატორი ალექსანდრე მეორე. ამ ამბავმა მთელი რუსეთის მონარქიული მთავრობა ფეხზე დააყენა. გაძრიელებულ იქნა მამებარი პოლიცია, ჟანდარმერია და სხვა. ასეთ რეპრესიებს არც ჩვენი ტფილისი ვადარჩა.

მონარქიულმა მთავრობამ კარგათ იცოდა, რომ ტფილისში ქართველი რევოლიუციონერები ბევრნი არიან და მათი წრეებიც არსებობენო. ამიტომ ტფილისსაც დიდძალი რისხვა მოელოდა.

იმ დროს ჩემ სახლში ინახებოდა ექვსი ყუთი საი-

დუმლო სტამბის იარაღი, ასოები, კასები და ყველა საქმე სტამბის მასალა.

ეს პარტაული სტამბა ჩემს სახლში გადმოიტანეს 1882 წ., აპრილში. ამისთვის იმ დროს მეც დიდ შიშში ვიყავი, მაგრამ რას ვიზამდი? სად უნდა წამელო იმ სიმძიმე ყუთები? ამიტომ მე განვიძრახე მათი მიწაში დაშარხვა და ამით გადარჩენა თავისა. ამიტომ ერთ დღეს მე დავიქირავე ორი მუშა და ეზოში ერთი დიდი ორმო მოვათხრევეინე, მაგრამ ყუთები ვერ ავწიე. დავლონდი. არ ვიცოდი რა მექნა. მეორე დღეს მე ვინახულე მიხა ჩოდრიშვილი და ეს ამბავი უამბე. მიხამ მიპასუხა: „სალამოს შენ შინ იყავი, მე ჩემის ძმებით ამოვალთ და ჩვენ თითონ ჩავმარხავთ ორმოშიო“. მე იმედიანათ წავედი სახლში. და მართლაც სალამოს მოვიდნენ მიხა ჩოდრიშვილი, ამისი ძმა ნიკო, ხელობით სტალიარი, მეორე ძმები სანდრო და ვანო, სულ ოთხი კაცი, ამათ ისე ჩუმათ და ნელა დამარხეს სტამბა, რომ არავის არ გაუგია, მიუხედავათ იმისა, რომ იმ დროს ჩემ თვალწინ იდგა (1872 წ.) ჯაშუში იავორ იოსელიანი, რომელმაც გასცა ტფილისის რევოლიუციონური კომიტეტი და მრავალი ქართველი დააჭერნა.

ეს სტამბა 5 წელწადი იყო დამარხული და მისი ამბავი არავინ არ იცოდა, გარდა ძმათა ჩოდრიშვილებისა, რომლითაც, სხვა რომ არ იყოს, მარტო ეს ერთი საქმე კმარა ჩოდრიშვილების ასამალლებლად.

რა მსხვერპლი გაიღო ჩოდრიშვილების ოჯახმა?

რევოლიუციის მოლოდინში და უსამართლობის წინააღმდეგ ბრძოლაში, ჩოდრიშვილების ოჯახ-

მა ხუთი ჯან-ლონით სავსე და აქტიური სული შესწირა. ესენი იყვნენ:

პირველი. ჩოდრიშვილების დედა ანა.

ამ საბრალო ადამიანის სიკვდილას მიზეზი შემდეგი გარემოება იყო: 1903 წ. ჩირქეზიშვილის ქუჩაზე, ანას შვილის, სანდროს ბინაზე გასაჩხრეკათ ეწივნენ ჟანდარმები. როცა ვერაფერი ვერ აღმოაჩინეს ჯანდარმებმა, მაშინ აკვანში მწოლიარე ქორთა ყმაწვილს მიუბრუნდნენ და აკვნიდან ძირს გადმოაგდეს; ყმაწვილს ცხვირპირიდან სისხლი წასქდა. ანა გაცეცხლდა და ჯანდარმებს წყევა დაუწყო. ჯანდარმებმა მას ხელი ჰკრეს და ფიცრის კუთხეს გვერდი ისე მაგრათ დაარტყმევინეს, რომ ძვლები ჩეედრიკა. ერთი კვირის შემდეგ ის ამ მიზეზით გარდაიცვალა.

მეორე. ნადროვკას საიდუმლო სტამბის აღმოჩენის მიზესათ კატორლაში გაგზავნილმა ზაქრომ შვიდი წლის ტყვეობამ იმდენად დაასუსტა ის, რომ ტანჯვას ვეღარ გაუძლო და 1916 წელს გარდაიცვალა.

მესამე. ნიკო, რომელიც მენშევიკების ჯალათებმა გამოასალმეს წუთი სოფელს.

მეოთხე. ნიკოს შვილი, ლადო, გერმანია-ავსტრიის ფრონტზე ჯარში აგიტაციის გაწვევისთვის ნიკოლოზის გენერლებმა დახვრიტეს.

მეხუთე. მიხას ცოლი მელანია, ციხეებში მრავალი ტანჯვების მიღების შემდეგ, ის როსტოვში გადასახლებული იქ გარდაიცვალა.

აი, ერთი კვანძი იმ ჯოჯოხეთურ ცხოვრებისა, რომელიც უკუღმართ ცხოვრების მსვლელობაში გადახედიათ ჩოდრიშვილების გვარეულებას.

ასეთი ტანჯული და წამებულია მიხა ჩოდრიშვილიც, მაგრამ უკეთესი მომავლის იმედი მას გულს არ უტეხავს ნახული და გამოვლილი მწარე მოგონებანი და ის დღესაც ამაყად შერჩენია თავის სადარაჯოს და მშრომელი ხალხის და კომუნისმის საკეთილდღეოთ დღესაც მხნეთ განაგრძობს მუშაობას.

დიდება და პატივი მას!

ზ. ქ.



947.922

✱ 551

შანი 10 კვ.